



## **Aningaasanut Naalakkersuisoq**

**Aningaasaqarnermut Ataatsimiititaliap suliaq nr. 01.31.06/09-00422 pillugu ataasinngornermi ulloq 20. juli 2009-mi aalajangiineranik Naalakkersuisunut ilisimatitsissut.**

**PPK-mut isumaqatigiissusiornerup malitsigisaanik isumaqatiginninniarnermi angusaasunik aammalu ilassutitut aningaasaliissutissatut qinnuteqaatinik akuersinissaq**

Naalakkersuisut inassutigaaat,

- konto pingaarnermut 32.10.05-imut, Dronning Ingridip Napparsimmavissuanut tunngasumut, aningaasaliissutit 2009-mi 5.359.000 kr.-inik amerlineqassasut
- konto pingaarnermut 32.11.04-mut, Najukkani peqqinnissaqarfinni nakorsanit sullinneqarnermut tunngasumut, aningaasaliissutit 2009-mi 6.368.000 kr.-inik amerlineqassasut
- IST-mi angusat 2009-mi 11.727.000 kr.-inik ajorseriaateqassasut.

### **Aningaasaqarnermut Ataatsimiititaliap oqaaseqaatai**

29. maj 2009 PPK-mut isumaqatigiissutit isumaqatigiissusiallu nutarternissaannik isumaqatigiissuteqartoqarpoq 1. april 2009-miit 31. marts 2012-ip tungaanut atuuttussanik. Isumaqatigiissusiatut angusat PPK-p ilaasortaanit akuerineqarput 22. juni. Taamaattumik isumaqatiginninniarnermi angusat akuerineqarnissaannik aammalu isumaqatigiissutit pineqartup 2009-mut sunniutissai pillugit akuersisoqarnissaa Naalakkersuisunit qinnutigineqarpoq.

Isumaqatigiissummut nutaamut aningaasartuutit Nunatta Karsianut 2009-mi naatsorsuutaanut missingersuutaanngitsumik 11,7 mio. kr.-inik aningaasartuutaassapput.

### **Aningaasaqarnermut Ataatsimiititaliap aalajangiinera**

Naalakkersuisut inassuteqaataat Aningaasaqarnermut Ataatsimiititaliamit **akuersissutigineqarput.**

Aningaasaqarnermut Ataatsimiititaliaq sinnerlugu

Aningaasaqarnermut Ataatsimiititaliap siulittaasua